



通志昆蟲辨本略 乾

函	番號	冊數	書門
於五	貳拾八號	共貳	博物書

叔 1
494
/



門
卷
494

宋鄭夾漈著
日本蘭山先生校

昆蟲艸木略

不許翻刻
千里必究

衆芳軒藏板

昆蟲草木略第一

序

學者皆操窮理盡性之說而以虛無為宗至於實學則置而不問當仲尼之時已有此患故曰小子何莫學夫詩詩可以興可以觀可以羣可以怨邇之事父遠之事君多識於鳥獸草木之名其曰小子者無所識之辭也其曰何莫者苦口之辭也故又曰人而不為周南召南其猶正牆面而立此苦口之甚也一部論語言他書不過一再惟詩則言之又言凡十二度言焉門弟子有能學詩者則深喜之子貢子夏在孔



門未爲高弟至於論詩則與之至子夏又發起予之
嘆者深嘉之也夫樂之本在詩詩之本在聲竊觀仲
尼初亦不達聲至哀公十一年自衛反魯質正於太
師氏而後知之故曰吾自衛反魯然後樂正雅頌各
得其所此言詩爲樂之本而雅頌爲聲之宗也其曰
師摯之始關雎之亂洋洋乎盈耳哉此言其聲之盛
也又曰關雎樂而不淫哀而不傷此言其聲之和也
人之情聞歌則感樂者聞歌則感而爲淫哀者聞歌
則感而爲傷惟關雎之聲和而平樂者聞之而樂其
樂不至於淫哀者聞之而哀其哀不至於傷此關雎

所以爲美也緣漢人立學官講詩專以義理相傳是
致衛宏序詩以樂爲樂得淑女之樂淫爲不淫其色
之淫哀爲哀窈窕之哀傷爲無傷善之傷如此說關
雎則洋洋盈耳之旨安在乎臣之序詩於風雅頌曰
風土之音曰風朝廷之音曰雅宗廟之音曰頌而不
曰風風者教也雅者正也言王政之所由廢興也頌
者美盛德之形容也於二南則曰周爲河洛召爲岐
雍河洛之南瀕江岐雍之南瀕漢江漢之間二南之
地詩之所起在於此屈宋以來騷人墨客多生江漢
故仲尼以二南之地爲作詩之始而不曰南言化自

此而南於王黍離幽七月則曰王爲王城東周之地
幽爲幽豐西周之地七月者西周之風黍離者東周
之風而不曰黍離降國風臣之序詩專爲聲歌欲以
明仲尼之正樂臣之釋詩深究鳥獸草木之名欲以
明仲尼教小子之意然兩漢之言詩者惟儒生論義
不論聲而聲歌之妙猶傳於瞽史經董卓赤眉之亂
禮樂淪亡殆盡魏人得漢雅樂郎僅能歌文王鹿鳴
騶虞伐檀四篇而已太和之末又亡其三惟有鹿鳴
至晉又亡自鹿鳴亡後聲詩之道絕矣夫詩之本在
聲而聲之本在興鳥獸草木乃發興之本漢儒之言

詩者既不論聲又不知興故鳥獸草木之學廢矣若
曰關關雎鳩在河之洲不識雎鳩則安知河洲之趣
與關關之聲乎凡鴈鶩之類其喙扁者則其聲關關
鷄雉之類其喙銳者則其聲嘒嘒此天籟也雎鳩之
喙似鳧鴈故其聲如是又得水邊之趣也小雅曰呦
呦鹿鳴食野之苹不識鹿則安知食苹之趣與呦呦
之聲乎凡牛羊之屬有角無齒者則其聲呦呦駝馬
之屬有齒無角者則其聲蕭蕭此亦天籟也鹿之喙
似牛羊故其聲如是又得萋萋之趣也使不識鳥獸
之情狀則安知詩人關關呦呦之興乎若曰有敦瓜

通志昆蟲草木
苦蒸在栗薪者謂瓜苦引蔓於籬落間而有敦然之
繫焉若曰桑之未落其葉沃若者謂桑葉最茂雖未
落之時而有沃若之澤使不識草木之精神則安知
詩人敦然沃若之興乎陸璣者江左之騷人也深爲
此患爲毛詩作鳥獸草木蟲魚疏然璣本無此學但
加採訪其所傳者多是支離自陸璣之後未有似此
明詩者惟爾雅一種爲名物之宗然孫炎郭璞所得
旣希張揖孫憲所記徒廣大抵儒生家多不識田野
之物農圃人又不識詩書之旨二者無由參合遂使
鳥獸草木之學不傳惟本草一家人命所系凡學之

者務在識真不比他書只求說也神農本經有三百
六十以應周天之數陶弘景隱者也得此一家之學
故益以三百六十以應周天之數而兩之臣少好讀
書無涉世意又好泉石有慕弘景心結茅夾潞山中
與田夫野老往來與夜鶴曉猿雜處不問飛潛動植
皆欲究其情性於是取陶隱居之書復益以三百六
十以應周天之數而三之已得鳥獸草木之真然後
傳詩已得詩人之興然後釋爾雅今作昆蟲草木略
爲之會同庶幾衰晚少備遺忘豈敢論實學也夫物
之難明者爲其名之難明也名之難明者謂五方之

名既已不同而古今之言亦自差別是以此書尤詳其名焉

草類

芝曰茵其類有五色加以紫是為六芝青曰龍芝赤曰丹芝黃曰金芝白曰玉芝黑曰玄芝紫曰木芝瑞草也生則有雲氣及禽獸之異

著如蒿華如菊生上蔡白龜祠傍一叢之幹二三十或四五十高五六赤褚先生云著滿百莖者其下有神龜守之其上有青雲以覆之傳曰天下和平E道得著莖長丈叢滿百

蘭即蕙蕙即薰薰即零陵香楚辭云滋蘭九畹植蕙百畝互言也古方謂之薰草故名醫別錄出薰草條近方謂之零陵香故開寶本草出零陵香條神農本草經謂之蘭臣昔修本草以二條貫於蘭後明一物也臣謹按蘭舊名煎澤草婦人和油澤頭故以名焉南越志云零陵香一名燕草又名薰草即香草生零陵山谷今湖嶺諸州皆有又別錄云薰草一名蕙草明薰蕙之為蘭也以其質香故可以為膏澤可以塗宮室近世一種草如茅葉而嫩其根謂之土續斷其花馥郁故得蘭名誤為人所賦詠

芎藭曰胡藭曰香果關中者曰京藭蜀道者曰川芎
其葉曰薜蘿亦曰蘄藭故爾雅蘄藭薜蘿亦曰茈藭
以其芬香故多蔣於園庭苗似芹胡荽蛇牀輩故淮
南子云亂入者若芎藭之與藁本蛇牀之與薜蘿也
蛇牀曰蛇粟曰蛇米曰虺牀曰思益曰繩毒曰棗棘
曰牆薜曰野曰馬牀爾雅所謂野虺牀也花白子如
黍粒葉似芎藭而細亦香故有牆薜之名焉

茜亦作蒨可以染緋故曰地血亦曰茹蘆曰茅蒐齊
人謂之茜徐人謂之牛蔓詩所謂茹蘆在阪爾雅所
謂茹蘆茅蒐莖葉麗澁而根紅故許慎謂人血所生

周禮庶氏掌除蠱毒以嘉草攻之陳藏器以蘘荷與
茜為嘉草

杜若曰杜蘅曰杜蓮曰白蓮曰白苓曰若芝曰楚衡
根葉如山薑花如荳蔻騷人多取喻焉故楚詞云山
中人兮芳杜若九歌云採芳洲兮杜若又離騷云雜杜
蘅與芳芷唐貞觀中勅下度支求杜若省郎以謝元
暉詩云芳洲採杜若乃責坊州貢之當時以為嗤笑
決明曰芙蓉曰陵關西曰薜蘿故爾雅云薜蘿芙蓉
共有三種其一則山決明也相似而不可食其二曰
馬蹄決明實似馬蹄尤良

天名精曰麥句薑曰蝦蟇藍曰豕首曰天門精曰麤
顛曰蟾蜍蘭曰靚曰荊蕀曰豨首曰天蔓精曰鹿活
草曰劉儻草爾雅云荊蕀豕首俗曰豨蕀又云火杓
又云地菘具死云宋元嘉中青州劉儻射中一麀既
剖五藏以此草塞之蹶然而起去之則仆如此者三
是以知其治折傷故其草得劉儻之名

菟絲曰菟蘆曰菟縷曰唐蒙曰玉女曰赤網曰菟纍
曰女蘿爾雅曰唐蒙女蘿女蘿菟絲又曰蒙玉女詩
曰蔦與女蘿施于松上草經曰蔓延草木之上色黃
而細曰赤網色淺而大曰菟纍淮南子注云菟絲生

茯苓上故世言下有茯苓上有菟絲又言菟絲初生
之根其形似兔掘取割其血和丹服之立變化今皆
不然茯苓生山谷菟絲生人間清濁異處何由同居
薊曰虎薊曰刺薊曰山牛蒡爾雅藜狗毒藜卽薊也
又有一種小薊曰猫薊曰青刺薊北方曰千針草以
其莖葉多刺故也華如紅藍華而青紫色多生於燕
地故曰薊門

垣衣曰昔邪曰烏韭曰垣廕曰天韭曰鼠韭有數種
生於屋上曰屋游生於屋陰曰垣衣在石上謂之烏
韭在地上謂之地衣在井中謂之井中苔在牆上抽

松衣艾
納也非
艾納香

起茸茸然者謂之土馬駿生於水中謂之陸釐水中
苔也生海中者可食又有生於石上連緣作暈者謂
之石花石花生於海中石上謂之紫萸即紫菜也松
上之衣曰艾納香以和香燒則煙氣直上
海藻類紫萸而麤惡曰落首曰薄曰石衣曰海蘿爾
雅云薄石衣郭氏云石髮也又云薄海藻郭氏云如
亂髮其說無別致誤後人引據且薄與薄藻與藻皆
無異義何得為二物海藻形如弊衣石髮形如亂髮
自是二物凡此之類易得渾殺又有石帆之於水松
亦能相亂故陶弘景云石帆如栢療石淋水松如松

療溪毒吳都賦所謂石帆水松是也又有海帶似帶
昆布似布爾雅云綸似綸組似組東海有之綸即鹿
角菜組即海中苔

藻生乎水中萍生乎水上萍之名類亦多易相紊也
爾雅云萍萍其大者蘋又云萍蘋蕭足以惑人萍者
水中浮萍也江東謂之藻是也蘋水菜也葉似車前
詩所謂于以采蘋是也萍萋蒿也即蘋蕭詩所謂呦
呦鹿鳴食野之苹是也按萍亦曰水花亦曰水白
肉菘蓉曰肉松容舊曰馬精化為菘蓉人血化為茹
蘆故菘蓉生於沙中在西方多馬處然亦有生於大

通志卷之五十一

木間及土塹上者

地膚曰地葵曰地麥曰益明曰落帚子曰鴨舌即獨掃也亦曰地掃爾雅云莽馬帚即此也今人亦用爲帚
蒺藜曰旁通曰屈人曰止行曰豺羽曰升推曰即藜
曰茨故爾雅謂茨蒺藜詩謂牆有茨也其實有芒刺
行軍之家以鐵象之而布地焉又有白蒺藜者同名
而異實

防風曰銅芸曰苗草曰百枝曰屏風曰蘭根曰百蜚
葉如青蒿嫩苗可茹

石龍荔曰龍須曰草續斷曰龍朱曰龍華曰懸莞曰

草毒曰方賓爾雅所謂葦鼠莞也生被崖垂下故得
龍須之名可以爲席

絡石曰石鮫曰石蹉曰略石曰明石曰領石曰懸石
如薜荔而小絡石以生

千歲蟲曰蠹蕪陸璣云一名巨苾連蔓而生幽州人
謂之推累此草藤生大者盤礴故有千歲蟲之名唐
姜撫言服常春藤使白髮還鬢明皇使取以賜中朝
老臣又言終南山有旱藕食之延年狀類葛粉帝作
湯餅以賜大臣右驍騎將軍甘守誠能名藥石曰常
春藤者千歲蟲也旱藕者牡蒙也

黃連曰王連曰支連

沙參葉如枸杞根如葵曰苦心曰志取曰虎須曰白參曰識美曰文希亦曰知母而得五參之名

丹參葉如薄荷花如蘇曰郊蟬草曰赤參曰木羊乳曰山苓本草曰奔馬俗謂之逐馬言驅風之駛也

赤箭曰離母曰鬼督郵曰合離曰獨搖曰定風有風不動無風自搖

藟藟曰滿冬曰地門冬曰筵門冬在東嶽名淫羊藿抱朴子作淫羊食在中嶽名天門冬在西嶽名管松在北嶽

名無不愈在南嶽名百部在京陸山阜名顛棘今日

天門冬爾雅藟藟冬葉如絲縷

纍火當作藟

禹葭曰禹餘糧曰烏韭曰纍火冬曰忍冬曰忍陵曰

不死藥曰僕壘曰隨脂秦名羊韭齊名愛韭楚名馬

韭越名羊著今日麥門冬其葉如韭所以多得韭名

山薊曰木爾雅木山薊蒼木也枹薊曰楊爾雅枹

薊有兩種赤木白木也生平地曰薊生山中曰木亦

曰山連亦曰山精亦曰天薊亦曰山芥亦曰乞力伽

日華子作吃力伽

黃精曰重樓曰菟竹曰雞格曰救窮曰鹿竹曰龍銜

玉字恐

曰菱蕤曰狗格本草作苟格曰垂珠曰馬箭曰白及陶弘

景謂似鈎吻非也似蕤荷

芑曰芑地黃也

蕝曰屋茨曰起實交州曰蕝珠蕝苾也

芎苢曰當道曰蝦蟇衣曰牛遺曰勝鳥曰馬舄車前

也

昌陽曰堯韭菖蒲也

蕪莞曰蕪繞曰細草葉曰小草遠志也

菡曰蕪曰蕪曰芒芋曰鵠瀉曰及瀉澤瀉也詩云言

采其蕪爾雅云菡蕪

薯蕷曰山蕷曰脩脆曰藟蕷曰兒草秦楚名王延鄭

越名土藟齊名山芋

菊花曰日精曰節華曰女節曰女華曰女莖曰更生

曰周盈曰傳延年曰陰成曰治藟其白花者潁川曰

回峰汝南曰茶苦蒿河內曰地薇蒿上黨曰羊歡草

甘草曰路草曰蜜甘曰美草或曰大苦即此也凡草

屬惟甘草為國老大黃為將軍不言君臣佐使也

芫蔚曰益母曰益明曰大札曰貞蔚曰桂曰負擔曰

夏枯曰鬱臭草曰苦低草曰藟葉似荏方莖白華詩

所謂中谷有藟也

峰汝之間脫字

人參曰人街曰鬼蓋曰神草曰人微曰土精曰血參
如人形者則神故多得人名朝鮮之人贊云三椹五
葉背陽向陰欲來求我椹樹相尋

石斛曰林蘭曰禁生曰杜蘭曰石遂生于陰崖莖如
釵股其生于櫟者木斛石斛之莖如金釵故謂之金

釵牛膝之節如牛膝故謂之牛膝
卷栢曰萬歲曰豹足曰求股曰交時葉如栢狀如雞
足生於陰崖

細辛曰小辛曰細草而世以杜蘅亂其真

獨活曰羌青曰護羌使者曰胡王使者曰獨搖草得

風不搖無風自動雖與羌活異條而亦曰羌活

升麻曰周麻曰落新婦

此胡曰地薰曰山菜曰茹草葉曰芸蒿辛香可食生

於銀夏者芬馨之氣射於雲間多白鶴青鶴翺翺其

上

防葵曰梨蓋曰旁慈曰爵離曰農果曰利茹曰方蓋

而狼毒能亂其真

菴蒿狀如蒿艾驅驢食之仙

白蒿即茵陳蒿白兔食之仙

稊莫曰穢稊曰大藪曰馬辛爾雅曰姚莖涂薺又曰

白蒿
蒿也
蒿亦
名白蒿

新萸大薺以似薺而大也

龍膽曰陵游莖如小竹根似牛膝

王不留行曰禁宮花曰翦金花葉似槐實作房

茵陳蒿南人所用者似香薷北人所用者似菁蒿即

白蒿也南北所用俱有山茵陳之名同名異實又有

石香薷亦名山茵陳而香薷亦名茵陳四種足相紊

也

漏蘆曰野蘭而飛廉曰漏蘆亦能相紊

飛廉曰漏蘆曰天薺曰伏豬曰飛輕曰伏兔曰飛雉

曰木禾似苦苣而葉下附莖有皮起似箭羽刻缺

牆薇曰營實曰牆牀本草作牆麻曰牛棘曰牛勒曰薺靡

曰山棘

薇衙曰承膏曰承肌曰無心曰無顛曰鹿衙曰吳風

草葉似荒蔚叢生有毛

五味子曰葇曰莖藉故爾雅云葇莖藉引蔓實如珠

而赤

旋花曰鼓子花曰筋根花曰金沸曰美草曰臍腸草

蔓生花不作瓣故謂之旋也此草一名金沸而旋覆

花亦名金沸旋花正謂之蓄旋旋覆正謂之旋復易

相紊也然方家所用者蓄旋用根旋復用花

白兔藿曰白葛蔓生葉圓如蓴

鬼督郵曰獨揺草莖如箭籜葉如繖蓋花生葉心根

橫而不生須徐長卿赤箭俱有鬼督郵之名而實異

藍有三種蓼藍如蓼染綠大藍如芥染碧槐藍如槐

染青三藍皆可作澱色成勝母故曰青出於藍而青

於藍

景天曰戒火曰火母曰救火曰據火曰慎火今人皆

謂之慎火草植弱而葉嫩種之階庭能辟火

續斷曰龍豆曰屬折曰接骨曰南草曰槐曰大薊曰

馬薊蜀本圖經云莖方葉似苧花似益母根如大薊

此比續斷也范汪云即馬薊也與小薊相似葉如莠

翁菜兩邊有刺花紫會稽者正爾此南續斷也

雲實曰員實曰雲英曰天豆曰馬豆曰臭草曰羊石

子葉如苜蓿花黃白莢如大豆實若大麻能殺精物

燒之致鬼

黃耆有白水耆赤水耆木耆三種其莖葉曰戴糝曰

戴椹曰芟草曰蜀脂曰百本曰王孫

徐長卿曰別仙蹤曰鬼督郵苗如小麥子似蘿摩

辟曰山蘄曰白蘄曰乾歸曰文無爾雅謂辟山蘄又

謂辟白蘄即當歸也葉似芎藭有兩種大葉者謂之

馬尾當歸細葉者謂之蠶頭當歸此方家之別也

今恐人字之誤

鉅曰何離曰解倉曰犁食曰餘容曰白朮卽芍藥也
以有何離之名所以贈別用焉古今言木芍藥是牡
丹崔豹古今注云芍藥有二種有草芍藥有木芍藥
木者花大而色深俗呼爲牡丹非也安期生服鍊法
云芍藥有二種有金芍藥有木芍藥金者色白多脂
木者色紫多脉此則驗其根也然牡丹亦有木芍藥
之名其花可愛如芍藥宿枝如木故得木芍藥之名
芍藥著於三代之際風雅之所流詠也牡丹初無名
故依芍藥以爲名亦如木芙蓉之依芙蓉以爲名也

牡丹晚出唐始有聞貴游趨競遂使芍藥爲落譜袁宗

薰本曰鬼卿曰地新曰微莖

葛曰雞齊根曰鹿藿曰黃斤而藺亦謂之鹿藿

知母曰蚘母曰連母曰野蓼曰地參曰水參曰水浚

曰貨母曰鯁母曰女雷曰女理曰兒草曰鹿列曰韭

逢曰兒踵草曰東根曰水須曰沈藩曰藟曰昌支爾

雅曰藟沈藩

貝母曰空草曰藥實曰苦花曰苦菜曰商草曰勤母

曰商爾雅曰商貝母詩云言采其蟲

枯樓曰地樓曰果羸曰天瓜曰澤姑曰白藥其實曰

黃瓜詩云果羸之實爾雅云果羸之實栝樓

玄參曰重臺曰玄臺曰鹿腸曰正馬曰咸曰端曰逐馬曰馥草

苦參曰水槐曰苦識曰地槐曰菟槐曰驕槐曰白莖曰虎麻曰岑莖曰祿白曰陵郎

石龍芮曰魯果能曰地椹曰石能曰彭根曰天豆沈括云有兩種水中生者葉光而未圓陸生者葉毛而未銳

石韋曰石韞曰石皮生於石崖其生瓦上者曰瓦韋皆感陰濕而生每莖抽一葉背有毛而斑點其狀如皮故得韋名

狗脊曰百枝曰強脊曰扶蓋曰扶筋葉類蕨根類菝

菝草解曰赤節

菝葵曰金剛根謂其根堅曰王瓜草謂其苗葉與王瓜相近

通草曰附支曰丁翁曰王翁萬年方書亦謂之木通爾雅曰離南活菹以活菹亦謂之離南今人謂之通

草其瓢白可愛婦人取以為首飾其實曰燕覆子曰烏覆曰桴梭子曰孛子

瞿麥曰巨句麥曰大菊曰大蘭曰苾莖曰杜母草曰

離南當
作通

藜曰之
間脫子
字

燕麥曰薺麥曰雀麥曰石竹故爾雅云大薺蘧麥其
葉細嫩花如錢可愛唐人多像此為衣服之飾所謂
石竹繡羅衣

敗醬曰鹿腸曰鹿首曰馬草曰澤敗曰鹿醬葉似豨
豨根似柴胡作敗醬氣故以得名

澤芬曰白芷曰白茝曰薑曰莞曰苻離楚人謂之葍
其葉謂之蒿麻與蘭同德俱生下濕故蘭茝之香為
騷人所諷詠

杜蘅曰杜曰土鹵能香人衣體南人以亂細辛其葉
似馬蹄故亦名馬蹄香爾雅云杜土鹵

白薇曰白幕曰薇草曰春草曰骨羨

紫耳曰苓耳曰羊負來曰喝起草曰白胡荽江東曰
常葶幽州曰爵耳爾雅卷耳苓耳舊說即蒼耳也其
實似鼠耳而有澁刺易黏人衣中原本無此草因羊
自蜀來其實帶毛而至故有羊負來之名然詩云采
采卷耳以其可茹也即今卷菜葉如連鎖者是也若
蒼耳但堪入藥不可食

茅之根曰蘭根曰茹根曰地筋曰兼杜茅之類甚多
惟白茅擅名其苗初出地者曰茅鍼爾雅云蒨委葉
詩云以嫫茶蓼皆謂茅鍼也茅之花曰茅秀爾雅蓼

茅當作華

芩茶是也茅之葉如管故亦名地管詩云白茅菅兮又云露彼菅茅

一字恐衍

強瞿曰重邁曰中庭曰重箱曰摩羅曰中逢花即百合也俗呼強瞿根如葫蒜根美食花美觀舊云蚯蚓化成有二種白花者良其紅花者一名山丹一名連珠俗呼川強瞿莖上抽花葉間結子酸漿曰寒漿曰醋漿江東曰苦葳俗謂之三葉酸漿沈括云即苦耽也其實如撮口袋中有珠子熟則紅關中謂之洛神珠亦曰王母珠亦曰皮弁草以其實又似弁也又有一種小者名苦蕒

牡蒙有二早藕之牡蒙即王孫非此草也

牡蒙曰衆戎曰童腸曰馬行即紫參也唐明皇令方士姜撫採終南山之旱藕作湯餅賜大臣者即此草根也

生當作出

淫羊藿曰剛前曰黃連祖曰千兩金曰乾雞筋曰放杖草曰棄杖草關中曰三枝九葉草舊云西川北部有淫羊食此草一日百交今通謂之仙靈脾蠶寶曰荔實曰劇草曰三堅曰豕首曰馬薤即馬蘭子也北人呼為馬棟子江東呼為旱蒲多植於階庭說文云荔似蒲而小根可作刷月令云荔挺生欵冬曰橐吾曰顛東曰虎須曰菟奚曰氏冬藥家用

花如枇杷舊云花冬月在水下生緣此花傍莖近根生故在冰下爾雅以顛凍注又以欵冬作欵凍

牡丹曰鹿韭曰鼠姑宿枝其花甚麗而種類亦多諸花皆用其名惟牡丹獨言花故謂之花王文人為之作譜記此不復區別然今人貴牡丹而賤芍藥獨不言牡丹本無名依芍藥得名故其初曰木芍藥古亦無聞至唐始著

澤蘭曰虎蘭曰龍棗曰虎蒲曰水香曰都梁香如蘭而莖方葉不潤生於水中故曰水香荊州記都梁縣

有山山下有水清淺其中生蘭草因以為名

馬蘭生澤傍如澤蘭氣臭楚辭所喻惡草即此也

王孫曰黃孫曰黃昏曰海孫曰蔓延又楚曰王孫齊

曰長孫方家謂之牡蒙

百部曰婆婦草能去諸蟲可以殺蠅蝶其葉如薯蕷

根似天門冬故天門冬亦有百部之名二物足以相

紊

王瓜曰土瓜曰睥姑曰鈎瓢曰菲芴均房間曰老鴉

瓜又曰蕘瓜其根可生食類瓜故得瓜名月令王瓜

生即此也而鄭玄以為菝蕝誤矣爾雅言鈎睥姑郭

云鈎瓢一名王瓜是矣又言菲芴又言黃菟瓜皆謂此也

齊老之根能亂人參而解藥毒以其與毒藥共處而毒皆自然歇

爾雅曰冰臺菟葵曰天葵又曰葦菟葵雷公炮炙所用紫背天葵是矣葉如錢而厚嫩背微紫生於崖石凡丹石之類得此而後能神所以雷公一書汲汲於天葵恨世人不識之臣近得之於天台僧

鱧腸曰蓮子草曰旱蓮子曰金陵草生園圃葉似柳莖似馬齒莧其連翹亦曰旱蓮植於庭院其花可愛

非鱧腸也

蒟醬曰浮留劉淵林蜀都賦注云蒟醬綠木而生其子如桑椹熟時正青以蜜藏而食之辛香生巴蜀嶺南司馬相如使蜀而求之也其狀似葦撥故有土葦撥之號今嶺南人但取其葉及藤合檳榔食之謂之蓼而不用其實

蘿摩曰羌蘭曰苦丸幽州人曰雀瓢東人曰白環藤可作菜茹能補精益氣故諺云去家千里莫食蘿摩枸杞

剪草之根曰白藥

懷香即茴香

鬱金即薑黃周禮鬱人和鬱鬯注云煮鬱金以和鬯酒又云鬱為草若蘭今之鬱金作燂潘臭其若蘭之香乃鬱金香生大秦國花如紅藍花四五月採之即香陳藏器謂說文云鬱芳草也十葉為貫將以煮之用為鬯為百草之英合而釀酒以降神也然大秦國去長安四萬里至漢始通不應三代時得此草也或云鬱金與薑黃自別亦芬馨恨未識耳

紅藍亦曰黃藍

草澄茄亦曰毗陵茄子

蓬莪茂似薑黃而不黃

廉薑似山薑而根大一名菝

胡黃連似黃連而心黑一名割孤露澤

大黃曰黃良

常山曰互草

桔梗曰利如曰房圖曰白藥曰梗草曰薺危以其能

亂薺危故亦有其名葉曰隱忍

甘遂曰甘藁曰陵藁曰陵澤曰重澤曰主田曰

葶藶曰丁藶曰葶藶曰狗薺曰大室曰大適爾雅葶

亭歷

曰字忍

水或作
木或作
本或作
即巴棘
之一名

大戟曰即鉅曰女木曰喬曰髦爾雅髦頭棘其苗曰

澤漆曰漆莖

旋覆花曰金沸草曰戴椹曰盛椹曰盜庚爾雅復盜

庚似菊俗呼金錢花

鉤吻曰除辛曰毒根折之青煙出者名固活即野葛也

藜蘆曰葱苒曰葱莢曰山葱曰葱葵曰豐蘆曰蕙葵

赭魁俗呼禹餘糧葉如薯蕷根如何首烏儉歲人採

之以療饑陳藏器謂禹會諸侯棄糧於地化為此草

芟爾雅云董草即烏頭也其類即別而說者紛紜初

種之母曰烏頭如芋魁是也其形似烏鳥之首故以

為名兩岐如鳥開口者曰烏喙亦取其似也烏頭傍

生者為附子附子傍生者為側子烏頭不生附子者

為天雄極長大故草經云長三寸以上也蜀人種之

最忌生此草經云春採為烏頭冬採為附子廣雅又

云一歲為側子二歲為烏喙三歲為附子四歲為烏

頭五歲為天雄今皆不然但一歲下種而有此五物

皆以冬至前布種至八月採出於蜀中而綿州彰明

縣猶多附子為百藥之長一名奚毒世以烏頭天雄

附子為三建者以此三物舊皆出建平故也又宜都

恨山者謂之西建殊佳錢塘間者謂之東建不及故

曰西水猶勝東白

鳥頭曰奚毒曰即子曰莨曰千秋曰毒公曰果
負曰耿子取其汁日煎為膏曰射罔射生者以傳矢
慘毒

羊躑躅曰玉支

茵芋曰莞草曰卑共

射干曰烏扇曰烏蒲曰烏婁曰烏吹曰草薑曰鳳翼
射亦作夜射干有三物佛書云射干貂獬乃是惡獸
似青黃狗食人荀子云西方有木名射干莖長四寸
生於高山之上而臨百仞之淵其花白莖長似射人

執竿故阮公詩云射干臨層城此則草類狀如鹿葱
葉稍大邪張作扇如翅狀故有烏扇烏婁鳳翼之名
貫眾曰貫節曰貫渠曰百頭曰虎卷曰扁苻曰伯萍
曰藥藻曰灤曰草鴟頭爾雅云灤貫眾

半夏曰守田曰地文曰水玉曰示姑

葇蓉曰橫塘曰行塘其實作小鬕子謂之天仙子

青蘘曰草蒿曰葦蒿曰草藁花似後庭花實如葇蓉
子俗呼牛尾蒿其主療與決明子同故亦有草決明
之名

牙子曰狼牙曰狼子曰犬牙今皆謂之狼牙子以其

根之萌若獸牙也葉似蛇莓而大

白歛曰菟核曰白草曰白根曰崑崙藤生葉如小桑根如雞卵

白芨曰其根曰連及葉如初生栴檀根如菱米

蛇舍曰蛇銜曰威蛇曰小龍牙

草蒿曰方漬曰散江東曰犴蒿即青蒿也爾雅云蒿

散

藿菌曰藿蘆生於蘆葦中云鶴矢所化故曰鶴菌

連翹曰異翹曰蘭華曰折根曰軹曰三廉曰連菘曰

連草爾雅云連異翹即旱蓮也葉似當歸華似茵蔯

白頭翁曰野丈人曰胡王使者曰柰何草狀似白薇

葉生莖端上有白毛近根處有白茸正似垂白之翁

藺茹曰屈据曰離婁葉似大戟根如蘿菹黃色初斷

時汁出凝黑如漆故云漆頭

羊桃詩曰萇楚爾雅曰鈹弋亦曰鬼桃曰羊腸曰御

弋葉花似桃子如棗核劔南人名細子根

羊蹄曰東方宿曰連蟲陸曰牛薺曰菲詩曰言采其

遂爾雅曰菲蔥菜又曰積牛薺今人呼為禿菜遂禿

音訛耳

鹿藿爾雅曰藺鹿藿其實菹田野呼為鹿豆

蓋草曰菘蓐曰王薔曰鷓脚莎爾雅曰菘王薔又曰竹菘蓄詩云綠竹猗猗即此是也今人謂之菘竹葉似竹而細薄荆襄人煮以染黃極鮮麗故草經云可染黃作金色

夏枯草曰夕句曰乃東曰燕面

蚤休曰蚩休曰螫休曰重樓金線曰重臺曰草甘遂今人謂之紫河車服食家所用而莖葉亦可愛多植庭院間

虎杖曰枯杖曰苦杖曰大蟲杖曰酸杖曰斑杖曰漆故爾雅曰漆虎杖莖葉斑亦似馬蓼而無毛

鼠尾草曰勤曰陵翹曰烏草曰水青可以染皂爾雅勤鼠尾

苧野生者曰薜爾雅云薜山麻

菝曰蓬今人謂之菱爾雅曰齧彫蓬薦黍蓬彫蓬者米菱也其米謂之彫胡可作飯故曰齧黍蓬者野菱也不能結實惟堪薦藉故曰薦

葑菘根也亦名須故爾雅曰須葑菘又名菘馬

劉寄奴曰金寄奴即烏藤菜故江東人云烏藤菜劉寄奴因宋武帝而得名帝微時伐狄新州遇大蛇射之明日往見群兒擣藥問之乃曰我王爲劉寄奴所

射今擣此藥傳之帝呵之群兒忽不見遂収其藥還以傳金瘡無不愈者帝姓劉小名寄奴江南人姓劉者或呼爲金是以又有金寄奴之名

功田野人牽牛以易之故得名

猪膏莓曰虎膏曰狗膏亦曰豨莶能亂天名精

葎曰來莓草曰葛葎蔓葉似草麻子似大麻

獨行根曰雲南根曰堯零根山南人謂之土青木香其實曰馬堯零

狼毒曰續毒藥家以此與麻黃橘皮吳茱萸半夏枳

實爲六陳

鬼曰曰雀犀曰馬目毒公曰九曰天曰曰解毒葉如荷葉形如鳥掌年長一莖莖枯則根爲一曰服食家用之以九曰相連者爲佳亦名八角盤以其葉然也

蘆爾雅曰葭蘆又曰蒹蒹又曰葦蘆之大者曰葭小者曰蒹蒹即荻也可爲簾箔故曰蒹其小而實者曰葦葦即葦也其萌曰蘗蘗蘆筍也其榮曰芳芳蘆花也故曰葦醜芳亦謂之葭故曰葭華

蕭蓄即蕭竹也衛風云綠竹猗猗綠蕭草竹蕭蓄

酢漿草曰醋母草曰鳩酸草曰小酸茅南人曰孫施
去銅銚垢

商陸曰遂蕩曰荔根曰夜呼曰馬尾曰萇陸曰章陸
曰章柳根曰當曰當詩云言采其當爾雅云當當又
云遂蕩馬尾皆此也或言爾雅拜藟藟亦爲此耳根
如人形者有神道家以爲脯謂之鹿脯有赤白二種
白者服食所須赤者爾雅謂之藟茅

灰藿曰金瑣天葉心有粉如鹽而不鹹灰藿與藜亦
是同類但藜大可爲杖也

瓦松曰昨葉何草

骨碎補曰石菴藺曰骨碎布曰石毛薑江南曰胡孫
薑根著木石上有毛葉如菴藺俗呼猴薑唐明皇以
其主折傷補骨碎有奇功故賜名

雀麥曰蒼曰燕麥曰杜姥草似麥而小故得其名
天南星曰鬼蒟蒻而有毒

蒟蒻其實曰蒟蒻生於葉下與天南星斑杖相似其根
生時可爲糊黏熟之可食

續隨子曰拒冬曰千金子曰聯步曰千兩金曰菩薩
豆人家多種於園亭其花似大戟秋種冬長春秀夏
實

穀精草生於穀田中亦曰戴星草欲人早耕也

列當曰栗當曰草蓂蓉生巖石上根如藕能亂蓂蓉
威靈仙曰能消惡聞水聲能治萎弱唐貞元中周君
巢爲之作傳

何首烏曰野苗曰交藤曰夜合曰地精曰陳知白曰
桃柳藤有赤白二種赤者雄白者雌雌雄異本而能
相交何首烏者順州南河人初名田兒生而鬻弱年
五十八無妻子臥田野中見田中之藤兩本異生而
能相交父乃解解而復合如此數四田兒異之斲根
而服七日而思人道十年而生數男頭白變黑遂以

名此草其人年百三十子庭服之年百六十唐元和
間事也

預知子曰仙沼子曰聖知子曰聖先子曰盍合子實
如皂莢子傳云取二枚綴衣領上遇蠱毒初則聞其
有聲故有預知之名蜀人貴重之

仙茅曰獨茅根曰茅瓜子曰婆羅門參傳云十斤石
乳不及一斤仙茅

萱草曰合歡草曰無憂草言能令人樂而忘憂花曰
宜男婦人喜佩之風土記云孕婦佩其花則生男
金星草生於陰崖或瓦木上葉背有金星相對爐火

家所用也

薇生水傍葉如萍爾雅云薇垂水三秦記夷齊食之

三年顏色不變武王戒之乃食而死然詩云采薇者

金櫻芽也

無風獨搖草頭如彈子尾若鳥尾兩片開合見人自

動

石菜生太山石上如花菜王隱晉書云庾袞入林慮

山餌石菜得長年

孝文非人多食之能行後魏孝文帝好食此故得名

陳家白曰吉利菜葉如錢根如防已又有婆羅門白

乃食之
間脫不
字一

甘家白三白相似

孟娘菜曰孟母菜曰厄菜葉似升麻方莖

越王餘筭生南海水中如竹筭子長赤許異苑云越

王行海作筭有餘棄於水中而生

風延母細葉蔓生纏繞草木南都賦云風衍蔓延於

衡臯是也

倬菜字林云味辛南人食之去冷氣

優殿南方草木狀曰合浦人種之用醬汁而食芳香

宜男草廣州記云小男女佩之臂上辟惡止驚生廣南

朝生暮落花生糞穢處頭如筆紫色朝生暮謝小兒

通志昆蟲草木

二九

呼為狗溺臺又名鬼筆菌類也非槿

猶草曰軒于爾雅云猶蔓于臭草也生水江東人呼為菑證俗云猶水草也

蘆蒿先於百草而生爾雅云菘蘿注云蘆蒿也小雅云菁菁者我陸璣云菘蒿也一名蘿蒿

麗春草河南曰龍羊草河北曰叢蘭艾生上黨者曰定參草亦曰仙女蒿此草主黃疸之疾唐天寶中始有聞焉

蔬類

白瓜曰水芝曰地芝即白冬瓜也

葵之類多爾雅曰菘戎葵即蜀葵一名菘又曰菘蚘
蚘注云荆葵也一名菘一名蚘蚘又曰菘葵葵露注
云落葵也一名承露一名藤葵一名胡烟脂蔓生繞
籬落葉圓而厚子如豆生青熟黑授之則色紫女人
以漬粉傅顏為假色又有龍葵一名苦葵葉圓似排
風而無毛

羅勒俗呼西王母菜北人呼為蘭香為石勒諱也

胡葵曰胡菘并州人呼為香葵亦為石勒諱也

苦菜曰茶曰選曰游冬爾雅云茶苦菜詩國風云誰謂荼苦其甘如薺月令云苦菜秀

菜
菘當作

萊服一名電葵一名温菘一名紫花菘吳名楚菘嶺南名秦菘河朔名蘆菘爾雅曰葵蘆菘俗呼蘿蔔鎮州者一根可重十六斤

薤與韭同類雖辛而不葷五藏所以學道之人服之有赤白二種白者補而美赤者主金創不結子一名鴻薤爾雅云薤鴻薤

韭之性温故謂之草鍾乳易稽覽圖云政道得則陰物變為陽鄭玄注謂若葱變為韭是也可知葱冷而韭温然葷臭非養性所宜多食亦昏神蘇爾雅曰蘇桂荏此紫蘇也葉實俱良

水蘇曰雞蘇曰勞祖曰芥菹曰芥苴曰臭蘇曰青白蘇今人皆呼雞蘇亦呼水蘇不可食

荏曰蕒似蘇而高大葉不可食惟子可壓油及雜米作麩甚肥美

蕨一名齧芥牙也四皓食之而壽夷齊食之而夭搜神記曰郝鑒鎮丹徒二月出獵有甲士折一枝食之覺心中淡淡成病後吐一小蛇垂之屋前漸乾成蕨明此物不可生食爾雅云蕨齧又有一種大蕨亦可食謂之藁蕨爾雅云藁月爾

芸臺亦作雲臺爾雅云臺夫須

通志 卷之五 菜部
三十一
繁蔓曰菘爾雅云菘蔞縷生於園圃蔓細弱田野人食之可作牙藥

雞腸似蓼而小不辛本草以合於繁蔓共條故蘇恭誤謂即繁蔓也

董曰齧曰苦董爾雅云齧苦董今人亦謂之董菜野出味雖苦而甘黃花者殺人唐武后實諸食中以毒賀蘭氏暴死者蓋此種也

葢曰職爾雅云職黃蔕葉似蒟醬蔓生田野陰濕處關中曰菹菜以其生可為菹也

馬藍田野人以為菜茹爾雅云葢馬藍

苦苣野生者曰褊苣人家常食者曰白苣

薺之菜甚小自生園圃其實曰差爾雅云差薺實詩云其茸如薺謂此菜之美也或以薺為薺苳

芹亦作靳爾雅曰芹楚葵詩曰言采其芹一名水英一名楚葵

馬芹爾雅曰芡牛靳俗謂胡芹其根葉不可食惟子香美可調飲食所謂野人快炙背而美芹子是也

莪莪蒿也一名蘿故又謂之蘿蒿爾雅云莪蘿詩云菁菁者莪本草謂蘆蒿

苻曰接余爾雅云苻接余其葉苻詩云參差苻菜今

謂之水荇蔓鋪水上故杜詩水荇牽風翠帶長
蕪菁亦作蔓菁塞北名九英此菜多生邊塞一名須
一名蕪蕪一名葑菹見爾雅春食苗夏食心秋食莖
冬食根菜之最益人者惟此爾多種可以備飢歲昔
諸葛孔明所止輒令兵士種蔓菁云取其才出則可
生啖一也葉舒可煮食二也久居則隨以滋長三也
棄不令惜四也回則易尋而採之五也冬有根可斷
而食六也比諸蔬屬其利博乎今三蜀江陵人猶呼
此為諸葛菜大槩似菘而有頭南人取而種之初年
相類至三歲則變為菘矣惟河朔最多詩谷風云采

則當作

葑采菲此即葑也

蓼有三種按陶弘景云一種紫蓼一種青蓼一種香

蓼其葉有圓有尖以圓者為勝入藥用蓼實有一種

馬蓼亦可入藥其最大者謂之葑草亦謂之龍葑爾雅

云紅龍古其大者歸

蕪荷有白赤二種陶弘景云今人赤者為蕪荷白者

為覆菹食用赤者藥用白者其性好陰在木下者尤

美故潘岳閑居賦云蕪荷依陰時藿向陽也搜神記

云蔣士先得疾下血言中蠱家人密以蕪荷置其席

下忽大笑曰蠱我者張小也乃收小故以此為治蠱

之最周禮庶氏掌除蠱毒以嘉草攻之宗廟謂嘉草即此也

蕁滑而美所以張翰思蕁羹而歸也二月至八月採者名絲蕁味甘而體軟霜降以後名瑰蕁味苦而體澁

葫大蒜也蒜小蒜也小蒜一名薺子

馬齒莧一名馬莧可煮丹砂結汞又名五行草以其葉青梗赤花黃根白子黑也其葉間有水銀可燒取雍菜主解野葛毒南人先食雍菜後食野葛自然無苦又取汁滴野葛苗當時菸死張司空云魏武帝噉

野葛至一赤應是先食此也

菠薐菜本出頗陵國張騫帶來語訛為菠

菱首菱草之首有一種可食一名菱白一名菰首一名須爾雅云須葑苳

稻梁類

稷苗穗似蘆而米可食為五穀之長五穀不可徧祭故祀其長以配社今人謂之稭關西謂之糜冀州謂之緊梁梁也爾雅云以梁為稷誤也

胡麻曰巨勝曰狗虱曰方莖曰鴻藏曰方金曰藤菘葉曰青蓂今之油麻也亦曰脂麻本出大宛張騫傳

云字衍

來故名胡麻。沈活靈苑方中論之矣。今鑿家認黃麻子作胡麻，用其子極苦，能殺人毒鼠，此豈可服食哉？陶弘景云：八穀之中，惟此為良，而純黑者名巨勝，是為大勝。此斷穀長生充飢之藥。故云胡麻好種，無人種，正是歸時君不歸。

麻子者大麻子也。脂麻為胡麻，此為漢麻。脂麻為細麻，此為大麻，亦謂之象然。有牝牡，其牡者生花曰麻，廢亦曰麻。勃吐，出茸茸然。蘇恭謂爾雅云：廢，象實似麻。廢即麻子，不知爾雅之誤。

梁之類多爾雅。芭白苗白梁也。又曰蔓赤苗赤梁也。

秬黍之
間脫黑
字

又有青梁，有黃梁。汜勝之書云：梁是秬粟，今俗謂之梁。古祭祀所用，染盛是也。可作饗食及釀酒，亦如糯。米或云梁亦有粳者，其謂藥米亦曰黃子。

黍本草丹黍爾雅云：秬黍秬一稔，二米秬是黑黍之

有二米者，黍之糯者謂之秬，一名黃糯。

童梁曰稂，曰守田，曰皇。爾雅云：稂，童梁。又曰皇，守田。今人謂之鬼稻，一穗未有數粒，易落在田中，明年復生，故有守田之名，亦能亂稼。

稻有粳糯二種。古人謂糯為稻，五穀之類皆有粳糯。粟之糯曰梁，曰染黍之糯曰秬，曰衆爾雅云：衆秬是

也顏師古刊謬正俗曰本草所謂稻米者今之糯米也又說文云沛國謂稻爲糯

彫胡菰蔣米也爾雅云齧彫蓬

鬻子粟曰象穀曰米囊曰御米

豆之類多爾雅云菡鹿藿其實菹今之鹿豆也苗似豌豆蔓生亦可爲菜根黃而香本草大豆之藁謂之黃卷亦謂之卷藁小豆之花謂之腐婢

昆蟲草木略第一

Handwritten notes in the bottom left corner of the left page, including the characters '昆蟲' and some illegible marks.

